

III. OUTRAS DISPOSICIÓNS

CONSELLERÍA DE TRABALLO E BENESTAR

RESOLUCIÓN do 10 de febreiro de 2012, da Dirección Xeral de Formación e Colocación, pola que se convocan probas de avaliación en competencias clave para acceder ás accións formativas dos novos certificados de profesionalidade de nivel 2 e 3 de cualificación dentro da formación profesional para o emprego na Comunidade Autónoma de Galicia.

O Real decreto 34/2008, do 18 de xaneiro, regula os certificados de profesionalidade e establece, como un dos elementos esenciais para incrementar a calidade da formación para o emprego, que en todos e cada un dos módulos formativos que conforman cada certificado de profesionalidade se determinen os criterios de acceso do alumnado que asegurarían que estes contan coas competencias clave suficientes para cursar con aproveitamento a formación.

Estas competencias clave pódense demostrar ou acreditar, basicamente, estando en posesión de determinadas titulacións ou acreditacións oficiais de formación básica ou superando as probas específicas que demostrasen o seu dominio.

O Real decreto 1675/2010, do 10 de decembro, polo que se modifica o Real decreto 34/2008, do 18 de xaneiro, polo que se regulan os certificados de profesionalidade e os reais decretos polos que se establecen certificados de profesionalidade ditados na súa aplicación, no punto un do artigo primeiro e segundo, modifica os requisitos de acceso á formación dos certificados de profesionalidade substituindo o concepto de «competencias clave» por «requisitos formativos e profesionais» e atribuíndolle á Administración laboral competente a determinación de cales serán eses coñecementos formativos ou profesionais suficientes que permitan cursar con aproveitamento a formación ao alumnado que queira acceder á formación dos certificados de profesionalidade dos niveis de cualificación profesional 2 e 3.

Para establecer e desenvolver na Comunidade Autónoma de Galicia estes requisitos formativos e profesionais aprobouse a Orde do 12 de xullo de 2011 (DOG núm. 149, do 4 de agosto) pola que se establecen os requisitos formativos e se regulan as probas de avaliación en competencias clave.

A través desta orde, de cara a seguir fomentando a calidade e a integración da formación profesional, mantéñense como requisito de acceso as «competencias clave» como combinación de coñecementos, capacidades e aptitudes idóneas ao contexto, que lles

permitirán ás persoas progresar no mundo do emprego e na formación, e para a súa realización e desenvolvemento profesional e persoal.

Nesta orde establécese tamén que a Dirección Xeral de Formación e Colocación, a través do Instituto Galego das Cualificacións, convocará, polo menos unha vez ao ano, probas de avaliación en competencias clave.

De conformidade co exposto, a través desta disposición, procede agora convocar un novo proceso de probas de avaliación, para facilitar que as persoas poidan acreditar as competencias clave que se requiren para acceder ás accións formativas dos novos certificados de profesionalidade.

Artigo 1. *Obxecto.*

O obxecto desta resolución é convocar probas de avaliación en competencias clave para o acceso ás accións formativas dos novos certificados de profesionalidade de nivel 2 e 3 de cualificación profesional da formación profesional para o emprego no ámbito da Comunidade Autónoma de Galicia.

Artigo 2. *Competencias clave que se convocan.*

1. Convócanse probas nos dous niveis, 2 e 3, nas seguintes competencias clave:

Comunicación en lingua galega.

Comunicación en lingua castelá.

Comunicación en lingua estranxeira (inglés).

Competencia matemática.

Competencias en ciencia.

Competencia en tecnoloxía.

Competencia dixital.

Artigo 3. *Solicitud para participar nas probas de avaliación en competencias clave.*

1. A participación nestas probas deberá formalizarse presentando a solicitude dirixida ao Instituto Galego das Cualificacións debidamente cuberta.

2. A devandita solicitude presentarase xuntando o modelo que figura no anexo I desta resolución. Este modelo de solicitude tamén poderse obter na páxina web da Consellería de Traballo e Benestar, onde, ademais, se contará cun sistema de axuda para poder cubri-la. Esta solicitude deberá ser impresa e presentada en rexistro segundo o especificado no seguinte parágrafo.

3. A solicitude poderá presentarse a partir do día seguinte á publicación desta resolución no DOG ata o 2 de marzo de 2012, no Rexistro da Consellería de Traballo e Benestar, no Rexistro Xeral da Xunta de Galicia (ambos en Santiago de Compostela), así como por calquera das formas establecidas polo artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común. Así mesmo, tamén poderán presentarse electronicamente a través da sede electrónica da Xunta de Galicia, no enderezo <https://sede.xunta.es>

Artigo 4. *Documentación.*

As persoas aspirantes deberán acompañar á súa solicitude de inscrición:

a) Fotocopia do documento nacional de identidade, ou número de identificación de estranxeiro ou do pasaporte. A presentación da fotocopia do DNI ou NIE non será precisa se a persoa solicitante dá o seu consentimento para que se consulten os datos relativos aos citados documentos, de conformidade co previsto na Orde do 7 de xullo de 2009, pola que se desenvolve o Decreto 255/2008, polo que se simplifica a documentación para a tramitación dos procedementos administrativos e se fomenta a utilización de medios electrónicos, no que respecta á verificación de datos de identidade e residencia.

b) Se é o caso, certificado acreditativo de minusvalidez en vigor, para as persoas aspirantes con algunha minusvalidez que soliciten algún tipo de adaptación posible de tempo e medios para a realización da proba. Non será necesario achegalo no suposto de minusvalidez recoñecida polo órgano competente desta Comunidade Autónoma.

Artigo 5. *Relación provisional e definitiva de persoas inscritas admitidas e excluídas.*

1. A relación provisional das persoas inscritas nas probas que fosen admitidas e, se é o caso, as excluídas, con indicación das causas de exclusión, será publicada polo Instituto

Galego das Cualificacións na páxina web <http://traballoebienestar.xunta.es/>, e nos taboleiros de anuncios dos servizos centrais e das xefaturas territoriais da Consellería de Traballo e Benestar, segundo o establecido no calendario previsto que figura no anexo II desta resolución.

2. As persoas inscritas poderán formular contra esta relación provisional de admitidos e excluídos as oportunas reclamacións, que se dirixirán ao Instituto Galego das Cualificacións no prazo de catro días hábiles contados a partir do día seguinte ao da publicación da lista provisional de admitidos.

3. A relación definitiva de persoas solicitantes admitidas e excluídas será publicada na páxina web <http://traballoebienestar.xunta.es/> e nos taboleiros de anuncios dos servizos centrais e das xefaturas territoriais da Consellería de Traballo e Benestar, segundo o establecido no calendario previsto que figura no anexo II desta resolución.

4. A publicación tanto das listaxes provisionais coma das definitivas de admitidos e excluídos ao proceso terá para os efectos de comunicación ás persoas reclamantes, de conformidade co disposto no artigo 14 da Orde do 12 de xullo de 2011, pola que se establecen os requisitos para o acceso á formación dos certificados de profesionalidade de nivel 2 e 3 de cualificación profesional.

5. Contra a relación definitiva de persoas solicitantes admitidas e excluídas poderase interpor recurso de alzada, de conformidade co disposto no artigo 14 da Orde do 12 de xullo de 2011.

Artigo 6. *Realización das probas de avaliación en competencias clave.*

1. As probas terán lugar no recinto feiral de Silleda, en Silleda (Pontevedra).

2. As probas de avaliación en competencias clave terán lugar nas datas indicadas no calendario da convocatoria que se inclúe no anexo II, que será exposto na páxina web <http://traballoebienestar.xunta.es/> e nos taboleiros de anuncios dos servizos centrais e das xefaturas territoriais da Consellería de Traballo e Benestar.

3. O candidato realizará unha proba por cada unha das competencias clave convocadas en que se inscribise. A duración da proba en cada competencia clave é dunha hora. A realización de cada unha das probas de avaliación seguirá a orde e o horario que se indica no anexo II desta resolución.

4. Para a realización das probas de avaliación nas distintas competencias claves poderanse ditar instrucións específicas na orde de chamada das persoas inscritas, ditas instrucións serán publicadas na páxina web <http://traballoebienestar.xunta.es/> e nos taboleiros de anuncios dos servizos centrais e das xefaturas territoriais da Consellería de Traballo e Benestar como mínimo tres días antes da data da realización das probas. Todos os candidatos deberán presentarse unha hora antes do inicio das probas para seren chamados por orde alfabética.

5. Para a realización das probas as persoas aspirantes deberán ir provistas do documento nacional de identidade, do número de identificación de estranxeiros ou do pasaporte. Tamén deberán levar bolígrafo de tinta de cor azul ou negro.

Nas probas de competencia matemática, de competencia en ciencia e de competencia en tecnoloxía poderase acudir con calculadora.

6. As persoas participantes nas probas terán cuberto o risco de accidente derivado da asistencia a estas.

Artigo 7. Comisións de avaliación.

1. A directora xeral de Formación e Colocación, por proposta da directora do Instituto Galego das Cualificacións, nomeará unha comisión de avaliación para as probas de competencia clave de nivel 2 e unha comisión de avaliación para as probas de competencia clave de nivel 3, que terán como sede o Instituto Galego das Cualificacións (rúa San Lázaro s/n, 15781 Santiago de Compostela).

2. Á vista do número de persoas aspirantes poderanse ampliar o número de comisións de avaliación. Así mesmo, poderanse incorporar ás comisións de avaliación o número de vixilantes e correctores que se considere necesarios.

3. No caso de nomear correctores/as, estes formarán parte das comisións de avaliación para a realización das probas.

Artigo 8. Resultados da avaliación das probas.

1. Os resultados da avaliación das probas estarán accesibles para as persoas que as realizaron, na páxina web da Consellería de Traballo e Benestar segundo o calendario previsto que figura no anexo II desta resolución.

2. O resultado de apto suporá a superación da proba na correspondente competencia clave e o dereito do interesado a que lle sexa expedido un documento acreditativo que certificará o resultado obtido segundo establece o artigo 13 da Orde do 12 de xullo de 2011, pola que se establecen os requisitos para o acceso á formación dos certificados de profesionalidade de nivel 2 e 3 de cualificación profesional.

Artigo 9. Reclamación contra as cualificacións.

1. Contra a cualificación obtida poderá presentarse reclamación dirixida ao presidente ou presidenta da comisión, no prazo de tres días hábiles contados a partir do día seguinte ao da publicación das cualificacións, no Rexistro da Consellería de Traballo e Benestar, no Rexistro Xeral da Xunta de San Caetano (ambos en Santiago de Compostela), así como por calquera das formas establecidas polo artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

2. A publicación tanto das listas provisionais coma das definitivas de cualificacións terá os efectos de comunicación ás persoas reclamantes, de conformidade co disposto no artigo 14 da Orde do 12 de xullo de 2011, pola que se establecen os requisitos para o acceso á formación dos certificados de profesionalidade de nivel 2 e 3 de cualificación profesional.

3. Contra a cualificación definitiva poderase interpor recurso de alzada, de conformidade co disposto no artigo 14 da Orde do 12 de xullo de 2011.

Disposición derradeira primeira.

Autorízase a directora do Instituto Galego das Cualificacións para ditar as instrucións necesarias para o desenvolvemento e execución desta resolución.

Disposición derradeira segunda.

Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 10 de febreiro de 2012.

Ana M.^a Díaz López
Directora xeral de Formación e Colocación



XUNTA DE GALICIA
CONSELLERÍA DE TRABALLO
E BENESTAR

ANEXO I

PROCEDIMIENTO	CÓDIGO DEL PROCEDIMIENTO	DOCUMENTO
INSCRIPCIÓN EN LAS PRUEBAS DE COMPETENCIAS CLAVE	TR306A	SOLICITUD

DATOS PERSONALES DEL SOLICITANTE

NOMBRE PRIMER APELLIDO SEGUNDO APELLIDO DNI/NIE FECHA DE NACIMIENTO

EDAD DIRECCIÓN LOCALIDAD

CÓDIGO POSTAL PROVINCIA AYUNTAMIENTO

TELÉFONO FIJO TELÉFONO MÓVIL FAX CORREO ELECTRÓNICO SEXO HOMBRE MUJER

NIVEL EDUCATIVO

NIVEL MÁXIMO DE ESTUDIOS FINALIZADOS CON TITULACIÓN

SI AHORA ESTÁ ESTUDIANDO, INDIQUE QUE ESTUDIOS REALIZA

Competencias clave en las que solicita hacer prueba (marque con una X la casilla o casillas correspondientes):

NIVEL 2	NIVEL 3
<input type="checkbox"/> Comunicación en lengua gallega	<input type="checkbox"/> Comunicación en lengua gallega
<input type="checkbox"/> Comunicación en lengua castellana	<input type="checkbox"/> Comunicación en lengua castellana
<input type="checkbox"/> Competencia matemática	<input type="checkbox"/> Competencia matemática
<input type="checkbox"/> Comunicación en lengua extranjera	<input type="checkbox"/> Comunicación en lengua extranjera
<input type="checkbox"/> Competencia en ciencia	<input type="checkbox"/> Competencia en ciencia
<input type="checkbox"/> Competencia en tecnología	<input type="checkbox"/> Competencia en tecnología
<input type="checkbox"/> Competencia digital	<input type="checkbox"/> Competencia digital

Para las personas aspirantes con alguna discapacidad que soliciten algún tipo de adaptación:

Discapacitado PORCENTAJE % CERTIFICADO ACREDITATIVO DE DISCAPACIDAD SÍ NO

Tipo de adaptación que solicita:

Ampliación del tiempo Ampliación de la letra Instrucciones por escrito Intérprete de signos

Otra adaptación (especificar en el recuadro)

Autorizo a la consellería, de conformidad con el artículo 2 del Decreto 255/2008, de 23 de octubre, y con la Orden de la Consellería de Presidencia, Administraciones Públicas y Justicia, de 7 de julio de 2009, que lo desarrolla, para la consulta de mis datos de identidad en el Sistema de Verificación de Datos de Identidad.

SÍ NO

NOTA: los datos personales recogidos en este impreso podrán ser incluidos en un fichero para su tratamiento por la Consellería de Trabajo y Bienestar de la Xunta de Galicia (Orden de 12 de diciembre de 2007, DOG núm. 250), en el uso de las funciones propias que tiene atribuidas en el ámbito de sus competencias. Podrá dirigirse a cualquier órgano de esta para ejercer los derechos de acceso, rectificación, cancelación y oposición, según lo dispuesto en la Ley orgánica 15/1999, de 13 de diciembre, de protección de datos de carácter personal (BOE de 14 de diciembre).

Me hago responsable de la veracidad de los datos recogidos en esta solicitud.

LEGISLACIÓN APLICABLE

Orden de 12 de julio de 2011 por la que se establecen los requisitos formativos para el acceso a la formación de los certificados de profesionalidad de nivel 2 y 3 de cualificación profesional aprobados al amparo del Real decreto 34/2008, de 18 de enero, y se regulan las pruebas de evaluación en competencias clave dentro de las acciones formativas de formación profesional para el empleo en la Comunidad Autónoma de Galicia.

Resolución de 10 de febrero de 2012, de la Dirección General de Formación y Colocación, por la que se convocan pruebas de evaluación en competencias clave para acceder a las acciones formativas de los nuevos certificados de profesionalidad de nivel 2 y 3 de cualificación dentro de la Formación Profesional para el Empleo en la Comunidad Autónoma de Galicia.

FIRMA DEL SOLICITANTE O PERSONA QUE LO REPRESENTA

Lugar y fecha , de de



Instituto Gallego de las Cualificaciones
Edificio Administrativo San Lázaro s/n, 15781 Santiago de Compostela



XUNTA DE GALICIA

ISSN1130-9229

Depósito legal C.494-1998

<http://www.xunta.es/diario-oficial-galicia>

ANEXO II Calendario do procedemento

	Datas
Prazo de presentación de solicitudes	Desde o día seguinte da publicación desta resolución no <i>Diario Oficial de Galicia</i> ata o 2 de marzo
Publicación da lista provisional de admitidos	26 de marzo
Presentación de alegacións	Do 27 ao 30 de marzo (ambos inclusive)
Publicación da lista definitiva de admitidos	10 de abril
Realización das probas: Competencias clave de nivel 2 Competencias clave de nivel 3	14 de abril 15 de abril
Publicación dos resultados provisionais das probas	24 de abril
Presentación de reclamacións	Do 25 ao 27 de abril (ambos inclusive)
Publicación dos resultados definitivos das probas	4 de maio

Horarios das probas

Todos os candidatos deberán presentarse unha hora antes do inicio das probas para seren chamados por orde alfabética.

Competencia clave	Día		Horarios
	Nivel 2 Día 14 de abril	Nivel 3 Día 15 de abril	
Matemáticas	Sesión de mañá		Inicio das probas: ás 10.00 h
Lingua castelá			
Lingua galega			
Lingua estranxeira (inglés)			
Ciencia	Sesión de tarde		Inicio das probas: ás 16.30 h
Tecnoloxía			
Dixital			